

GEREFORMEERDE GEMEENTE PRETORIA-MONTANAPOORT

**Liedboekliedere en ander: Goedgekeur
deur die Algemene Sinode GKSA (2012)**

**“OM IN GEHOORSAAMHEID AAN GOD KERK VAN
JESUS CHRISTUS IN DIE WÊRELD TE WEES”**



Liedboek 151

1. Skenk ons, Here, u beskerming en ontferming.
Sien in liefde op ons neer.
Seën ons as ons hier vergader,
tot U nader
Laat ons saam wees tot U eer.
2. Bring ons, Here, tot bekering deur u lering,
gee ons insig deur u Gees.
Maak ons harte oop, o Vader,
trek ons nader.
Laat u Woord ons lewe wees.

Liedboek 163

1. Soos 'n wildsbok wat smag na water
smag my siel na U, o Heer
U alleen is my hartsverlange
en ek bring aan U die eer
U alleen is my bron van krag
in U teenwoordigheid wil ek wag
U alleen is my hartsverlange
en ek bring aan U die eer

Liedboek 168

1. Heilige Jesus, Heer van die Here,
U is verhoog tot die hemel- troon.
Ons bring U ere, Christus, die Here!
Met heerlijkheid is U gekroon.
2. Mooi is die aarde, dit het groot waarde,
maar is gering voor u grootheid, Heer.
U is ons lewe, U is ons vrede.
U Gees moet ons hier lei en leer.
3. U is die Alfa, en die Omega.
U kom en elkeen sal U kan sien.
U is die Eerste. U is die Laaste.
Die ganse skepping sal U dien.

Liedboek 169

1. Heilig, heilig, heilig Heer God Almagtig,
groot is U troon, U is steeds met Lof omring!
Heilig, heilig, heilig; liefderyk genadig
U Troon is steeds met lof omring
2. Heilig, heilig, heilig, Heerser vir ewig;
groot is u Naam – U die Vader, Seun en Gees.
Grote God, ons eer U, met u hele skepping.
U wat in liefde God regverdig is.

3. Heilig, heilig, heilig, Heer, so weldadig,
groot is u guns, want U buig U tot ons neer!
Heilig, heilig, heilig, magtig en genadig.
U wás en ís en sál vir ewig wees.

Liedboek 184

1. Lofsing die Here, die Ewige, sing tot sy ere!
Lofsing die Koning; die Skepper, die Vader, die Here!
Loof almal saam – groot is sy heilige Naam!
Loof Hom, die Heer van die here
2. Lofsing die Here wat kunstig u liggaam berei het,
Hy is die sterke wat altyd nog by u gebly het;
wat in gevaar, hoe groot, hoe dreigend, hoe swaar,
oor u sy vleuels gesprei het!
3. Lofsing die Here, dis Hy wat u kroon met sy seën!
Hy skenk die lewe, die wasdom, die sonlig, die reën!
O sterfling, weet: Hy wat Almagtige heet,
het ons in liefde bejeën.
4. Lofsing die Here, ja, almal kom loof nou die Here!
Alles wat asem het, hier tot in tydlose sferes!
Hy is die Lig; ons oog bly op Hom gerig:
Hy is die Heer van die here!

Liedboek 190

1. Grote God aan U die eer!
Heerlik is waar U regeer;
hemels is U majesteit;
heilig U Geregtheid.
U wat alles onderhou,
U is Ewig en getrou.
2. In genade, groot en ryk,
bou U, Heer, u koninkryk.
Voordat ek kon kies, kon vra,
het u Seun my vloek gedra.
Ek kon vind: U't my gekry
voor ek nog my skuld bely.
3. U, oor alles God en Hoof,
open oë van geloof
dat ons sien, geen goed of kwaad
word aan toeval oorgelaat:
Bokant ons begrip, verstand,
hou U al wat is in stand.

Liedboek 203

1. Loof die Here, al wat lewe,
wil Hom dank en hulde bring –
Hy het al ons skuld vergewe;
Ons 'n nuwe lied laat sing.
Loof Hom, prys Hom! loof en prys Hom!
Loof die Vader, God en Heer.
2. Loof Hom wat in groot genade
ons deur eeue heen behou.
Loof Hom vir sy reddingsdade –
vas kan ons op Hom vertrou
Loof Hom, prys Hom! loof en prys Hom!
Hy's genadig en getrou.
3. Soos 'n Vader sorg vir kinders
Sorg die Heer vir wie Hom vrees.
Hy vergewe hul oortredings
en berei 'n vreugdefees.
Loof Hom, prys Hom! loof en prys Hom!
Laat ons Hom gehoorsaam wees.

Liedboek 241

1. Troue Here van my lewe,
God by wie ek vrede vind;
Vader wat my Skuld vergewe,
dankbaar leef ek as U kind.
Vrees vir straf laat my nie weifel,
want U liefde laat geen twyfel;
Ja, ek weet in sonde-smart;
U is trooster van my hart.
2. U die kenner van ons harte,
sien my skuld en ken my nood.
Ek treur, vol berou en smarte,
want my sonde bring die dood.
Ja, U sien my hart se wonde,
sien my ly oor al my sonde,
Christus laat my voor U staan,
deur sy bloed neem U my aan.
3. Deur u Seun skenk U genade,
in geloof neem ek Hom aan.
Hy verlos my van die kwade;
Hy sal altyd met my gaan.
Al is ek in skuld gebore,
is ek in Hom uitverkore
voor u Woord in skeppingsmag
nag geskei het van die dag.

Liedboek 292

1. My enigste troos in lewe en dood
is dat ek aan Jesus Christus behoort.
Met sy kosbare bloed het Hy my vrygekoop –
dis my anker, my vaste hoop.

Ek behoort aan die Here.
Niks sal my ooit van Hom kan skei.
Met sy kosbare bloed het Hy my vrygekoop –
dis my anker, my vaste hoop.

2. Die doop is die seël dat die Heilige Gees
my 'n kind van God, die Vader laat wees.
Sy onfeilbare Woord is die gids wat ons lei;
deur sy liefde bewaar Hy my.
Ek behoort aan die Here.
Niks sal my ooit van Hom kan skei.
Sy onfeilbare Woord is die gids wat ons lei;
deur sy liefde bewaar Hy my.

Liedboek 329:

1. Want so lief het God die wêreld gehad
Dat Hy sy eniggebore Seun gestuur het, gegee
het
sodat elkeen wat in Hom glo nie verlore sal
gaan nie
maar die Ewige lewe sal hê.

Liedboek 334

1. God is liefde juig ons harte,
en bedink wat liefde doen.
Dat Hy ons sy Seun gestuur het
om ons sonde te versoen.
2. Hy wat eerste liefgehad het,
het in liefde ons vergeef –
nou kan ons, uit God gebore,
uit dié bron van liefde leef!
3. Deur sy Gees, die wondergawe,
laat Hy wederliefde spruit;
en dié liefde – wat volmaak is –
dryf die vrees en selfsug uit.
4. As die Vader in sy liefde
dan die sondaar maak tot kind,
mag sy Seun al meer gestalte
in ons doen en late vind!

Liedboek 335

1. Die Heiland is gebore –
juig saam met eng' le kore!
Hy, die Hemel – koning,
kom in die volheid van die tyd,
kom maak by ons sy woning,
kom bly by ons in ewigheid.
Hy is God met ons – Hy, Immanuel.

2. Die Heiland is gebore –
ons is nie meer verlore!
Hy, die Vredekonink,
versoen ons sondeskuld by God
en deur sy gunsbetoning
word liefde ook ons groot gebod.
Hy is God met ons – Hy, Immanuel.

Liedboek 348

1. Stille nag, heilige nag!
Jesus-kind, lank verwag,
Lig uit Lig, uit die Vader se Ryk,
word uit liefde aan mense gelyk.
Loof die hemelse Kind!
Loof die hemelse Kind!
2. Stille nag, heilige nag!
Hemelvors, ons gee ag
op die lied van die engelekoor.
Herders het dit die eerste gehoor:
Juig, die Redder is daar!
Juig, die Redder is daar!
3. Stille nag, heilige nag!
Jesus, Heer, voor u mag,
voor u ryk moet die duisternis swig;
tot in ewigheid bly U die lig –
Heer, gebore vir ons!
Heer, gebore vir ons!

Liedboek 353

1. Die Heiland is gebore,
soos eeue reeds voorspel.
Daar in die stad van Dawid
word Hy Immanuel.
Met blye hemel-kore
wil ons ook juig en sing:
Ons Heiland is gebore –
dis Hy wat Redding bring.
2. Die Lig kom na die wêreld
in Jesus Christus, Heer.
Uit liefde vir die mensdom
daal Hy as dienskneg neer.
So lief het God die wêreld,
Hy gee vir ons sy Seun –
só word Hy ons Verlosser,
ons Middelaar en Steun.
3. Wie glo in Jesus Christus,
word nou sy eiendom.
Hy gee die reg tot kindskap
aan dié wat glo in Hom.
Juis daarom juig ons harte
opnuut dié Kersfeestyd:

Ons Heiland is gebore –
vertel dit wêreldwyd.

Liedboek 380

1. Jesus, Lam gelei ter slagting.
U oorwin vir ons die dood.
Jesus, prooi van ons veragting,
U dra self ons angs en nood;
drink die beker van verraad,
word deur mens en God verlaat.
Duisend, duisend maal, o Heer,
bring ons daarvoor dank en eer.
2. Koning tot 'n spot geteken
met 'n riet en doringkroon;
by die moordenaars gereken
met veragting, smaad en hoon,
sodat óns mag vryspraak vra
en die kroon van eer kan dra.
Duisend, duisend maal, o Heer,
bring ons daarvoor dank en eer!

Liedboek 386

1. Jesus, dit wat U moes ly,
bly in my gedagte.
U maak ons van sonde vry,
vry van bose magte.
Deur U bloed is ons verlos;
word ons skuld vergewe.
Angs en dood het dit gekos,
Jesus, Bron van lewe.
2. Aan die kruis het U geroep
in u sterwenslyding,
en dié roep: "Dit is volbring!"
is die blye tyding.
U was vir 'n sondaar borg,
wat langs U gesterf het
neem my in u liefdesorg;
dink aan my ook, Here.

Liedboek 422

1. Die Heer, die Heer het opgestaan!
Die Heer, het wáárlík opgestaan!
Vir sondaars het die Heer gesterf,
die lewe deur sy dood verwerf;
Oorwinning is vir ons verkry
oor sondemag en heerskappy.
2. Die Heer, die Heer het opgestaan!
Die Heer het wáárlík opgestaan!
Vir sondaars het die Heer gesterf,
die lewe deur sy dood verwerf.
Hy het oorwin die dood, die hel.
Ons kan dit wêreldwyd vertel!

3. Die Heer, die Heer het opgestaan!
Die Heer het wáárlík opgestaan!
Aan Hom die lof, die roem en eer,
Hy laat ons mét Hom triomfeer.
Laat ons, o Here, deur u Gees,
afhanklik en oorwinnaars wees.

Liedboek 428

1. Loof Christus, roem sy wonderdade,
Sy almag, liefde en genade.
Hy't na die Vader opgevaar,
maak daar vir ons 'n woonplek klaar
dat ons ook deur Hom op kan staan
en dankbaar na die Vader gaan.
2. Hy is ons Voorspraak by die Vader;
deur Hom tree ons vrymoedig nader.
Hoe groot ons sondeskuld ook is,
volkome word dit uitgewis.
Wie soek, sal vind; wie klop in hoop,
vind so die poort na God toe oop.
3. Hy hoor die dank- en smeekgebede
van ons, sy swakke aardse lede.
Hy toon aan ons sy trou en mag –
sy las is lig, sy juk is sag.
Het ons nie raad nie, weet ons dít:
Hy is by ons, Hy leer ons bid.
4. Loof Christus, roem sy wonderdade –
hoe groot sy liefde en genade!
Hy heers omhoog en wêreldwyd.
Hy vestig hier sy koninkryk –
ontelbaar hul wat op kan staan,
vrymoedig na die Vader gaan.

Liedboek 525

1. Here hoe blymoedig
en in dank oorfloedig
maak u my die hart
U gee ons U seen
soos 'n milde reën
U vertroos in smart
Ja ons weet ook in ons leed
leef ons onder U genade
vrees ons nie die kwade
2. Ook in sterwensmarte
weet ons in ons harte:
Ons Verlosser leef!
En die liggaam, sterflik,
sal U onverderflik
eenmaal laat herleef.
Laaste vyand, aardse dood,

hoe ons soms vir jou ook bewe –
Christus is ons lewe!

3. Heer, U gee u lewe,
so word ons vergewe
en verlos van dood.
In U groot ontferming
gee U ons beskerming –
Redder uit die nood!
Ons sal, tot u eer, o Heer,
in u heil met blydschap lewe –
aan U oorgegewe.

Liedboek 530

1. Praat ek mense- engele-tale maar dis nie uit
liefde nie,
is my woorde hol simbole, klanke sonder
melodie.
Al kan ek geheime uitlê, berge deur geloof
versit,
of al het ek al die kennis – sonder liefde is ek
niks.
2. Sonder liefde sal my gawes, al my ywer my nie
baat.
Net die liefde, onbaatsugtig, bly oorwin met
goed, die kwaad.
Onreg kan dit nie verdra nie, dit is met die
waarheid bly.
Deur vergiffenis, hoop verwagting, kom die
beste in ons vry.
3. Al die tale, profesieë, met die tyd gaan dit
verby.
Net die liefde, die volmaakte, kom en sal vir
altyd bly.
Want geloof gee troos en rigting; na die
toekoms reik die hoop.
Liefde is en bly die grootste; Liefde sluit die
lewe oop.




Liedboek 577

1. Die Heer, my herder, sorg vir my.
Hy laat my rustig wei;
langs waters waar daar vrede is,
sal Hy my veilig lei.
2. Die Heer gee my weer nuwe krag
en Hy sal met my gaan;
Hy lei my op die regte pad
tot ere van sy Naam.
3. Al lê daar donker dieptes voor,
tog hoef ek nie te vrees,
want U's by my, en in u hand
sal ek steeds veilig wees.

4. U maak my vir 'n fees gereed,
terwyl my vyand kyk.
U maak van my 'n eregas
U maak my lewe ryk.
5. Net goedheid, liefde, lewenslank,
Gee U, o Heer, vir my;
By U's ek tuis, en in u huis
sal ek vir ewig bly.

Liedboek588

1. O God van hoop, gee ons u vrede,
leer ons soos kinders op U wag.
Ons wil in stryd en moeilikhede
van U alleen ons heil verwag.
As ons geen weg meer verder sien nie,
help ons om net op U te bou,
wat onaantasbaar vas en seker
u Woord en u beloftes hou.
2. Ons het 'n hoop wat oor die einde,
oor sterwensuur en graf heen reik.
Dis onaantasbaar vas en seker
as alle aardse dinge wyk.
Ons het 'n toekoms saam met Christus –
die einde is maar die begin.
Die dood is oorgang tot die lewe –
ons woon by God vir ewig in.
3. Nooit kan geloof te veel verwag nie,
want God bly aan sy Woord getrou.
Geen grense is daar aan sy mag nie,
Hy sal al sy beloftes hou.
Die hoop op Hom vervul ons lewe,
laat ons die koninkryk verwag,
todat die volheid van sy vrede
nuut deurbreek op die laaste
dag.



"Sing jul loflied in 'n koor.
Jubel so dat almal hoor.

Hy is groot en Hy is magtig . . ."

Ps. 150-2:1

Lied 1 - My enigste troos

Leendert Dekker

Omdigting: Heidelbergse Kategismus Sondag 1

Melodie: *Psalm 100*

1. God sal ek loof my lewe lank!
Ja, op my sterfbed sal ek dank,
want Hy verseker in sy Woord
dat ek nie aan myself behoort.
2. Dis Jesus Christus, so getrou,
wat my in sy beskerming hou.
Van Satan en sy heerskappy
het Hy my met sy bloed bevry.
3. My sondeskuld het Hy betaal,
my skuldbrief is nou deurgehaal.
Ek hoort aan Hom wat my bewaar
Hy waak oor my, tel elke haar.
4. Geborge, veilig, weet ek stil:
Hy lei my waar die Vader wil.
Ook lyding, nood, gevaar en stryd
dien alles tot my saligheid.
5. Hy maak my seker deur sy Gees:
Ek sal vir ewig by Hom wees.
Ek wil vir Christus leef en werk,
my hart bereid, gewillig, sterk.

Lied 2 - Die Heilige Gees werk

Schutte Venter

Melodie: *"Kom dank nou almal God..."*

1. Die Vader, Seun en Gees
is ewig God en Here.
Ek kan nou seker wees
die Gees bring nuwe lewe.
Hy is aan my gegee
en lei my tot geloof.
Hy troos my elke tree –
so het die Heer beloof.

Lied 3 - Getsemane

Fanie Jooste

Teks: Lukas 22: 41-45

Melodie: *Lied 387 ("O Heer, uit bloed en wonde..")*

1. Al worstelende bid Hy
alleen in daardie tuin:
die beker van sy Vader –
dis Godverlatenheid –
moet tog by Hom verbygaan;
sy lyding is so diep.
Tog eer Hy só sy Vader:
"Laat net u wil geskied!"

2. Hy sien die felste lyding:
die kruisdood sonder God.
Die Vader stuur 'n engel,
versterk Hom in sy stryd.
In doodsangs smee Hy biddend;
sy sweet soos druppels bloed.
Dan staan Hy op, geduldig:
"Laat net u wil geskied!"

Lied 4 - God spreek deur sy Seun

AP van der Colf

Teks: Hebreërs 1

1. God het in die ou verlede
gepraat deur tekens, deur profete,
maar nou kom praat Hy deur sy Seun:
Hy is erfgenaam van alles;
uit Hom straal God se wese, almag;
dis Hy wat alles dra en steun.
Vir sondes kom Hy sterf –
laat ons die Godsryk erf.
Reinigmaker:
In heerlijkheid
en majesteit
sit Hy aan Gods regterhand.
2. Ver bo engele verhewe,
dra Hy die Naam wat God gegee het:
"Ek is Jou Vader, Jy my Seun."
In 'n wêreld, koersverlore,
word Hy as Eersteling gebore –
deur God gebring as borg en steun.
En al Gods eng'le kom
aanbid, verheerlik Hom.
God se eng'le
dien God se Kind
- word vlam en wind –
wat reg en ver sy boodskap dra.
3. Aan sy Seun het God bevestig:
"U troon, o God, staan vas vir ewig;
u septer die laat reg geskied.
U veroordeel elke onreg
omdat U lief is vir wat reg is –
met vreugdesalf word U oorgiet.
Die aarde, met die tyd,
sal soos 'n kleed verslyt.
U bly ewig –
in heerlijkheid
en majesteit
oorwin U aan my regterhand."

Lied 5 - Driemaal heilig

JP Bingle

Teks: Jes. 6:1b-5

Melodie: SANCTUS

1. Hoog – kon ek sien – sit die Here,
hoog verhewe op 'n troon.
Heerlik glans sy koningsklere,
vul sy soom die tempel skoon.
**Serafs dek hulself met vlerke
in die loflig van sy eer.
“Heilig”, roep hul, “is die HERE,
heilig, heilig, heilig HEER!”**
2. “Heilig is die Heer almagtig;
oral straal sy heerlikheid.
Oor die aarde, vol en kragtig,
skitter sy teenwoordigheid.”
**Serafs dek hulself met vlerke
in die loflig van sy eer.
“Heilig”, roep hul, “is die HERE,
heilig, heilig, heilig HEER!”**
3. Tempeldeure het gebewe
toe die serafs Hom besing.
Alles raak van rook omgewe
as hul luid hul hulde bring.
**Serafs dek hulself met vlerke
in die loflig van sy eer.
“Heilig”, roep hul, “is die HERE,
heilig, heilig, heilig HEER!”**
4. Toe het ek geroep, gebewe:
“Ek vergaan; ons is onrein!
Nou kon ek Hom sien, verhewe;
Hy, dié Koning, het verskyn!”
**Serafs dra hulself op vlerke,
diensbaar tot sy lof en eer.
“Heilig!”, roep hul, “is die HERE,
Heilig, heilig, heilig HEER!”
Serafs dek hulself met vlerke
in die loflig van sy eer.
“Heilig!”, roep hul, “is die HERE,
Heilig, heilig, heilig HEER!”**

Lied 5 - Eer aan Hom nou!

JP Bingle

Teks: Judas: 24-25

Melodie: Lied 199 (“Loof die Here uit die hemel...”)

1. Net aan God behoort die ere,
krag en mag en majesteit.
Hy verlos ons deur ons Here,
Jesus in sy Heerlikheid.
**Eer aan Hom nou, kragtig-magtig,
tot in alle ewigheid!**

2. God kan jul behoed, beveilig,
fors van voet in vastigheid.
Hy sal jul behou en heilig,
vreugdevol in vlekloosheid.
**Eer aan Hom nou, kragtig-magtig,
tot in alle ewigheid!**
3. Ons Verlosser, een en enig,
bring jul in sy heerlikheid.
Hy besit die mag vir ewig,
vóór die vroegste dag en tyd.
**Eer aan Hom nou, kragtig-magtig,
tot in alle ewigheid!**

Lied 6 – PS 110 Messiaanse beryming

JP Bingle

Teks: Psalm 110

Melodie: Liedboek 354, 470, 478

1. Die HERE roep my Here:
“Sit regs van My en rig,
tot Ek oorwin in ere,
u vyand voor U swig.
Ontvang u septer magtig
uit Sion en regeer.”
U heerskappy is kragtig;
U werp u vyand neer.
2. U volk, my Heer en Koning,
staan vir die stryd gereed,
bereid tot diensbetoning,
in feesgewaad gekleed.
Die fleur van jong geslagte,
vars soos die vroegdagdou,
sterk u oorwinningsmagte
as jeugkrag U omvou.
3. “My woord en eed staan stewig
en onherroeplik vas:
my priester’s U – vir ewig –
soos Melgisedek was.”
Die Heer gee U oorwinning
en laat die vorste val.
Verfris deur vars verkwikking
oorwin Hy een en al.